

十
二
三
四

中國金石學

南漢金石志

吳蘭修撰

中華書局

叢書集成初編

涇川金石記（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

南漢金石志

此據嶺南遺書本
排印初編各叢書
僅有此本

南漢金石志目錄

卷一

石版文 唐龍紀元年

廣州石識 南漢乾亨元年

古劍文 大有元年

康陵碑 光天元年

尊勝經石幢 乾和三年

白石秀林記 乾和三年

碧落洞天雲華御室記 乾和七年

瓊州乾亨寺鐘銘 乾和九年

東禪院銅鐘款 乾和九年

長慶禪院銅鐘款 乾和十五年

咸報寺銅鐘款 乾和十六年

雲門山匡真大師塔銘 大寶元年

寶林禪院銅鐘款大寶二年

宴石山記大寶二年

拓路記大寶三年

修慧院鐘款大寶三年

乾亨寺銅鐘款大寶四字

昭州光孝寺銅佛識大寶四年

卷二

鎮象塔記大寶五年

西鐵塔記大寶六年

長壽寺銅鐘款大寶七年

匡聖宏明大師碑銘大寶七年

東鐵塔記大寶十年

懿陵碑以下年代無考

天華宮石刻

瑞象記

碧虛觀碑
韜真觀碑

南溪金石志
目錄

南漢金石志卷一

嘉應 吳蘭修 石華撰

石版文。佚。

胡賓王劉氏興亡錄。高祖巖皇考。葬段氏。得石版。有篆文。曰隱台巖。因名其三子。

司馬光通
經考異。

蘭修按歐陽修五代史。南漢世家。劉襲謙庶子也。母段氏。生襲於外舍。謙妻韋氏素妒。聞之怒。拔劍而出。命持襲至將殺之。及見而悸。劍輒墮地。良久曰。此非常兒也。後三日。卒殺段氏。養襲爲己子。考襲卒於大有十五年壬寅。晉天福七年。年五十四。由是推之。當生於唐昭宗龍紀元年己酉。卽葬段氏之

年也。南漢金石以是託始云。

廣州石識。佚。

人人有一山山值牛。兔絲吞骨。蓋海承劉。宋史南漢世家。

廣南劉襲初開國。營構宮室。得石識。有古篆十六字。其文云云。解者曰。人人有一大人也。山山出也。值牛者。襲建漢國。歲在丑也。兔絲者。晟襲位歲在卯也。吞骨者。殺諸弟也。越人以天水爲趙。蓋海指皇朝。

國姓也。承劉者。受劉氏降也。吳處厚青箱雜記

古劍文。佚

丁與水同宮。王將耳口同。尹來居口上。山岫護重重。陳槌羅浮山志

浮山志

後唐天成中。僞漢欽州羅浮山民。掘得古劍。有篆文曰。己與水同宮。王將耳口同。尹來居水上。山岫護重重。以獻僞主劉陟。國人莫之辨。及平廣南。競傳其言。知者云。太宗以己亥年降誕。是己水同宮也。於文耳口王爲聖。尹口爲君。重山爲出。蓋己亥年聖君出也。馬端臨文獻通考

欽州羅浮山。本名安京。以形似惠州羅浮故改。陳槌羅浮山志。作丁與水同宮。蓋太祖丁亥年生。長太宗十二歲。平嶺南乃太祖之世。故以丁亥聖君出言。非己亥明矣。太宗繼體之君。安得以出言乎。槌所

志山。乃惠州羅浮也。黃佐嘉靖廣東通志

康陵碑。佚

翰林學士知制誥。正議大夫。尙書右丞。賜紫金魚袋。臣盧應奉勅撰。

維大有十五年。歲次壬寅。四月甲寅朔。廿四日丁丑。高祖天皇大帝。崩於正寢。越光天元年。五月癸未朔。

十四日丙申遷神於康陵禮也。朱彝尊曝書亭集

崇禎丙子秋廣州城東二十里北亭洲田間有雷出地奮而成穴耕者梁某投以石空空有聲內一雄雞其中逾夜雞鳴無恙乃發之有金人如翁仲者數枚各重十五六觔有二金像冕而坐者并翟如后妃者各重五六十觔地皆金蠶珠貝旁有鏡一光燭穴中寶硯一硯池中有玉魚能游泳他異物不可指識者甚衆梁攜歸光動四鄰鄰人覺而爭往遂白之官有司親臨發之隧道如城高五尺餘深三丈中有碑乃僞漢劉襲家也文曰維大有十五年歲次壬寅四月甲寅朔廿四日丁丑高祖天皇大帝崩於正寢越光天五年五月癸未朔十四日丙申遷神於康陵禮也文多闕不盡載翰林學士知制誥正議大夫尙書右丞賜紫金魚袋盧應初撰并書按光天乃襲子玠年號玠立僅二年爲弟晟所弑即改光天二年爲應乾元年無光天五年又考十國春秋僞漢諸臣列傳止有盧膺仕襲爲工部侍郎晟時拜中書侍郎同平章事無應初名也王士正臯華紀聞

竹垞記劉襲家碑事與王文簡皇華紀聞所載頗有錯互余抵粵訪諸官吏與土人間其所謂北亭者在番禺城東二十里許而劉襲之家與碑則竟無知者蓋二先生亦皆非得自親睹所以傳寫或有訛失卽如竹垞所記係光天元年而文簡則疑光天無五年而所據載者乃作五年廣語亦作元年又盧應下文

簡所記是初字。廣語所記是勅字。俱無奉字。而竹垞所記。則多一奉字。安知初字非即勅字之誤乎。竹垞稱陳元孝語予云。則是竹垞既得自口傳。而元孝復出自記憶。無怪乎傳聞異詞矣。翁方綱專東金石略

蘭修按曝書亭集。結銜稱尙書右丞上紫金帔。廣語作尙書右丞相紫金袋。茲據皇華紀聞改正。餘見南漢紀二考異。

尊勝經石幢。存。

□漢乾和三年太歲乙巳三月六日壬寅□亡考陳十八郎敬贖造□□加□佛頂尊勝陀羅尼幢一座。追薦幽途□□物□并乞自身清吉□□□長於羅浮□□□禪院供養。設齋慶讚訖。拓本。經文不錄。

石幢在博羅羅浮山寶積寺門外。新修廣東通志。新通志。阮雲臺師相撰以下所引但稱廣東通志。

蘭修按右記三行。□漢至寅□爲一行。亡考至物□爲一行。并乞至讚訖爲一行。此據拓本較通志多數字。通志作三月八日丙寅。考通鑑目錄。乾和三年。即晉開運二年。三月爲丁酉朔。則八日非丙寅。當作六日壬寅。今改正。幽途下一字。左半从古。第二字右半从吳。尙可省識。通志審爲胡悞二字。今從闕薦作薦。見漢魯峻石壁畫象。按薦省作獬廌字。聲義俱別。失六書假借之旨。易豫卦釋文正之是也。慶讚記。金石或作訖。此幢正作訖字。

白石秀林記佚

乾和三年歲次乙酉奉勅鑄石玉皇儀象侍衛九軀并修金籙齋慶讚記臣吳可一撰王象之與地紀勝

蘭修按右見輿地紀勝潯州下題云南海乾和白石秀林之記又云白石山在州南六十里有巖峒卽白石洞天內有清真觀壽聖寺洞門自下入透容州句漏洞天世傳葛仙翁煉丹往來其間云云案曹學佺廣西名勝志白石山在今桂平縣南六十里南海當作南漢乙酉當作乙巳齋上當有設字傳寫脫誤也

碧落洞天雲華御室記佚

大漢享國之三十有三祀龍集己酉季冬冥開十四葉上以萬機有暇四海無波時屬祈寒節當冬狩九卿扈駕百司隨轡巡英州舍於閔石翼日排仙仗整翠華羽衛星羅旗幟雲布嶽靈警蹕風伯清塵上衣龍章絳袍曳鳳文翠綬佩流黃鏤金之劍御飛靈凌崖之輿幸茲盤龍石室者也伏惟大聖文武元德大明至道大廣孝皇帝陛下聖惟天縱功格帝堯味道探元奉真元之化端拱垂衮返淳朴之風百度惟貞九圍承式因訪清虛之景爰追汗漫之遊斯山之勝槩也得非元化與機巨靈運智丹臺瑤室眞爲上帝之居乳竇芝房宛是長生之境白犬吠而壺天晝永幽禽語而洞壑雲深神草含華元泉瀉瑞於是拂石牀而設御停玉輦以凝旒遂感龜鶴呈祥河宗效器俄頃有一道流衣短褐斂容而至自稱野人本無

姓名云昔時葛先生於此石室煉丹砂藥成息焰躡雲而舉令野人且伏火延神祕丹於靈府并云後五百載當有真人降此子宜以其還丹呈獻昨略算之起重光單闕之歲迄屠維作噩之年將四百九十祀果合金德主來幸驗真君之言明矣野人因匍匐而來上喜聞所陳問僊者靈丹何在野人曰咫尺耳遂捫蘿於峭壁中取出一小石函函上有金書古篆題九蛻

輿地紀勝作光

之丹四字內有神丹七粒大如黍粟光

影

輿地紀勝作彩

射人僊者開函取丹躬自持獻野人遽旋踵隱入石縫間罔知厥止時有近臣奏曰聖上德契

元微感茲靈異尙以兆民係念四海爲心雖獲還丹未宜輕服上然所奏遂屏左右迺召從臣吳懷恩捧丹隨御於石室深邃處鑿石祕之衆莫知矣擇日亟命道衆設壇場陳齋醮以中告謝靈祝由是龍顏開豁圓蓋舒情緩撫瑤琴弄流泉之激越親瀉宸翰奮睿思之縱橫奏九成之簫韶烟霞縹緲感百獸之率舞洞府喧闐羣后子來皆朝於禹會衆僊萃至競祝於堯齡微臣榮列紫垣獲隨鑾輅紀僊靈祕奧之事媿乏好辭頌聖朝煥赫之功慚無麗藻拜承綸旨伏積兢惶時乾和七載記

廣東文選

僞漢劉氏盤龍御室記乾和七年己酉歲中書舍人鍾允章撰劉氏來遊有道人稱野人云昔葛先生煉丹於此丹成輕舉俾予掌丹候五百歲有來者獻之今四百九十九祀乃捫蘿於峭壁中出一小石函上有金書古篆九光之丹四字中有丹七粒如黍粟大光彩射人既獻丹復入石壁縫間

輿地紀勝

碧落洞。在英州南十五里。懸石如霓旌羽蓋狀。傍有小洞。號雲華洞。深不可窮。同上。

蘭修按碧落洞。在今英德縣南十五里。石刻久佚。四百九十祀。紀勝作四百九十九祀。據文稱起重

光單闕之歲。迄屠維作噩之年。爾雅。太歲在辛曰重光。在卯曰單闕。在巳曰屠維。在西曰作噩。由辛卯推至己酉。則四百九十九祀是也。

瓊州乾亨寺鐘銘。佚。

乾亨寺鐘。在開元寺。有南漢乾和九年鐘銘。輿地紀勝。

開元寺。即古乾亨寺也。在瓊山縣南橋內。曹學佺廣東名勝志。

東禪院銅鐘款。佚。

古銅鐘。在崇善縣。上刻大漢乾和四年辛亥鑄於東禪院。金銜廣四通志。

長慶禪院銅鐘款。存。

漢乾和十五年。歲次丁巳。十一月一日癸未朔。二十日壬寅。雲母山長慶禪院沙門神坦。普勸衆緣。鑄造洪鐘一口。重八百斤。上資國祚。普及四恩。下降三有。永充供養。拓本。

鐘在增城萬壽寺。舊志萬壽寺在縣南鳳凰山之東。此鐘款云雲母山長慶禪院。地志無此寺名。雲母山即雲母嶺。在城西二十里。今鐘在萬壽寺。不知移自何時矣。款既書朔。又書一日。俗僧所爲。不足論

也。廣東通志。

蘭修按右長慶禪院鐘款。濟作濟。考北魏齊郡王祐造像記。廣濟爲功。正作濟。與北齊雋修羅碑作濟者同一僞體也。

感報寺銅鐘款。未見。

維大漢乾和十六年。太歲戊午。閏六月庚辰朔。十六日己未。弟子萬華宮使。桂州管内招討使。特進行內侍。上柱國吳懷恩。鑄造鴻鐘一口。重五百斤。置於梧州雲蓋山感報寺。永充供養。上資當今皇帝龍圖永固。聖壽萬春。謹記。謝啓昆廣西金石略。

右鐘在蒼梧縣光孝寺。高三尺。口徑一尺七寸。案十國春秋。吳懷恩。番禺人。內常侍。中宗卽位。進開府儀同三司。乾和中。爲西北面招討使。此鐘所載懷恩銜。十國春秋皆不之及。又乾和十六年。爲周世宗顯德五年。考薛史及通鑑。是年閏七月。此云閏六月。是南漢不奉正朔之證。同上。

蘭修按以庚辰朔推之。十六日當作乙未。殆拓本殘缺。視之未審也。

雲門山匡真大師塔銘

佚

匡真大師塔銘 御書院給事郎雷繼撰

詳夫水月定形。覺浮生之可幻。火蓮發豔。知覺性之宜修。故妙果圓明。寂爾而不生不滅。真如常住。湛然而無去無來。祛其華則是色皆空。存其實則衆魔咸折。亦由山藏白玉。泥塗不能汙其珍。沼出青蓮。塵垢不能染其質者也。故匡真大師。業傳西裔。性達南宗。戒珠朗而慧日融光。覺海揚而慈霖普潤。示非法無法之說。若電翻輝。應真空不空之談。如鐘逐扣。以心惟清淨。道本慈悲。常挑智慧之燈。洞照昏衢之路。將使化周有截。終期證後無爲。故我釋迦如來。厭綺羅絲竹之音。痛生老病死之苦。踰金城而學道。依檀寺而修真。六載成功。萬法俱熟。爲四十九年慈父。演八萬四千法門。現百億化身。遍娑婆世界。說多多緣起。開種種導門。誓化迷淪。令超正覺。於時求法寶者。是諸沙數。得道果者。於意云何。小則證須陀洹斯陀含。大則超阿羅漢辟支佛。卷舒自在。蓮花中藏十二音聲。變現無窮。芥子內納三千國土。爾後化緣將卒。示滅雙林。卽以法衣傳於迦葉。葉傳阿難。難傳商和。郡修。修傳優波毘多。如此展轉相傳。俾令常住。世不滅矣。泊至曹侯溪。大圓滿至。真起覺大師。是爲第三十三世祖。若祇認達磨禪師傳衣法。至於曹溪。則中華推爲第六祖焉。故西來智藥三藏。駐錫曹溪云。一百七十年後。當有無上法寶。肉身菩薩。於曹溪興化。學道者如林。故號曹溪爲寶林。自祖師成等正覺後。現一百六十九志作。生身菩薩。遍在諸方行化。爾後

得道莫知其數。皆曹溪之裔也。故匡真大師嗣於一葉焉。師諱文偃。姓張氏。晉王罔東曹參軍。翰十三代孫也。翰知世將泯。見機休緣。徙於江潮。故厓及我祖。生於蘇州嘉興縣。師幼慕出塵。乃棲於嘉興空王寺。志澄律師下爲童。凡諸經無煩再閱。及長落髮。具足於常州壇。後侍澄公講數年。領家數。分指歸。乃辭澄。謁睦州道蹤禪師。則黃蘗之派也。一室常閉。四壁唯空。或復接人。無容佇思。師卷舒得志。徑往扣門。禪師問誰。師曰文偃。師關門云。頻頻來作什麼。師云。學人已事不明。禪師曰。秦時轆轤鑽。以手推出閉門。師因是發明。又經數載。禪師以心機祕密。關鑰彌堅。知師終爲法海要津。定作禪天朗月。因語師云。吾非汝師。莫住。師遂入闕。纔登象骨。直奮鵬程。因造雪峯。會三禮欲施。雪峯乃云。何得到。詰麼。師不移絲髮。重印全機。雖等截流。還同戴角。由是學徒千餘。凡聖莫審。師昏旭參問。寒煖屢遷。摳衣惟切於虛心。得果冥輸於實腹。因有僧問雪峯云。如何是觸目不見道。運足焉知路。雪峯云。蒼天僧不明問。師曰。三斤麻。一匹布。僧後問於峯。峯云。嘻。我常疑箇布衲師。於會裏密契元機。因是出會。遍謁諸山尊宿。頗有言句。世所聞知。後雪峯遷化。學徒乃問峯佛法付誰。峯云。遇松偃處住。學徒莫識其機。偃者蓋師名也。至今雪峯遺誠不立尊宿。辛未。禮於曹溪。旋謁靈樹。故知聖大師以心機相露。膠漆契情。歲在丁丑。知聖大師一日召師及學徒曰。吾若滅後。必遇無上人爲吾茶毘。至戊寅。高祖天皇大帝巡狩韶石。幸於靈樹。知聖遷化。果契前約。敕爲爇之。獲舍利塑形於方丈。於時詔師入見。特恩賜紫。次敕師於本州廳開堂。師於是踞知聖筵。說雪峯法。實謂禪河涵湧。佛日輝華。道俗數千。問答應響。郡守何公希範禮足曰。弟子請益。師曰。目前無異。